

蒙古游牧記

張穆撰

亞洲民族考古叢刊
第六輯

蒙古游牧記
張穆撰

南天書局發行

蒙古游牧記

編撰者 張穆

補訂者 何秋濤

中華民國七十年四月校訂再版

蒙古游牧記序

海內博學異才之士。嘗不乏矣。然其著述卓然不朽者。厥有二端。陳古義之書。則貴乎實事求是。論今事之書。則貴乎經世致用。二者不可得兼。而張子石州蒙古游牧記獨能兼之。始余校刊先大夫藩部要略。延石州覆加校覈。石州因言自來郡國之志。與編年紀事之體。相爲表裏。昔司馬子長作紀傳。而班孟堅剋修地理志。補龍門之闕。而相得益彰。今要略。編年書也。穆請爲地志。以錯綜而發明之。余亟憇忠。俾就其事。殺青未竟。而石州疾卒。以其稿屬何願船比部整理。願船爲補其未備。又十年始克成編。余詳爲披覽。究其終始。見其結構則詳而有體也。徵引則瞻而不穢也。考訂則精而不浮。確而有據也。擬諸古人地志。當與酈亭之箋水經。贊皇之志郡縣。並駕齊驅。樂史祝穆以下無論已。雖然。石州之成此編。豈第矜博奧。蒐隱僻。成輿地一家言哉。蓋嘗論之。蒙古輿地與中國邊塞相接。其部族強弱。關繫中國盛衰。非若海外荒遠之區。可以存而不論也。塞外漠南北之地。唐以前不入版圖。史弗能紀。至遼金元皆嘗郡縣其地。乃三史地志虛存其名。而山川形勢都會阨塞闕焉無考。是則欲知古事。不外斯編矣。如科爾沁土默特之供衛邊門。翁牛特烏珠穆沁之密邇禁地。四子部落環繞雲中。鄂爾多斯奄有河套。至於喀爾喀杜爾伯特土爾扈特諸部。或跨大漠杭海諸山。或據金山南北。或外接俄羅斯哈薩克諸國。所居皆天下精兵處。與我西北科布多塔爾巴哈臺諸鎮重兵相爲首尾。是皆講經制者所當盡心也。承學之士。得此書而研究之。其於中樞典屬之政務。思過半矣。然則是書之成。讀史者得實事求是之資。臨政者收經世致用之益。豈非不朽之盛業哉。因釀金付梓。而序其綱要。以諗觀者。咸豐九年夏四月。壽陽祁嵩藻。

蒙古游牧記目錄

卷之一

內蒙古哲里木盟游牧所在 科爾沁 札賚特 杜爾伯特 郭爾羅斯

卷之二

內蒙古卓索圖盟游牧所在 喀喇沁 土默特

卷之三

內蒙古昭烏達盟游牧所在 敖漢 奈曼 巴林 札賚特 阿魯科爾沁 翁牛特 克什克騰 喀爾喀左翼

卷之四

內蒙古錫林郭勒盟游牧所在 烏珠穆沁 浩濟特 蘇尼特 阿巴噶 阿巴哈納爾

卷之五

內蒙古烏蘭察布盟游牧所在 四子部落 茂明安 烏喇特 喀爾喀右翼

卷之六

內蒙古伊克昭盟游牧所在 鄂爾多斯

卷之七

外蒙古喀爾喀四部總敘

外蒙古喀爾喀汗阿林盟游牧所在 土謝圖汗部

卷之八

外蒙古喀爾喀齊齊爾里克盟游牧所在 賽音諾顏部

卷之九

外蒙古喀爾喀喀魯倫巴爾和屯盟游牧所在 庫臣汗部

卷之十

外蒙古喀爾喀札克必拉色欽畢都哩雅諾爾盟游牧所在 札薩克圖汗部

卷之十一

額魯特蒙古總敘

阿拉善額魯特蒙古游牧所在

卷之十二

青海額魯特蒙古游牧所在

卷之十三

額魯特蒙古烏蘭固木杜爾伯特部賽音濟雅哈圖盟游牧所在

卷之十四

額魯特蒙古新舊土爾扈特部總敘

珠勒都斯舊土爾扈特蒙古烏訥恩素珠克圖盟南路游牧所在

珠勒都斯中路和碩特蒙古巴圖色特啓勒圖盟游牧所在

卷之十五

和博克薩里舊土爾扈特蒙古烏訥恩素珠克圖盟北路游牧所在

庫爾喀喇烏蘇舊土爾扈特蒙古烏訥恩素珠克圖盟東路游牧所在

精河舊土爾扈特蒙古烏訥恩素珠克圖盟西路游牧所在

卷之十六

額濟納舊土爾扈特蒙古游牧所在

布勒罕河新土爾扈特蒙古青色特啓勒圖盟游牧所在

哈弼察克新和碩特蒙古游牧所在

蒙古游牧記卷之一

平定張 穆石州撰
光澤何秋濤願船校

內蒙古哲里木盟游牧所在

科爾沁 札賚特
杜爾伯特 郭爾羅斯

〔科爾沁部〕在喜峯口東北八百七十里。至京師千二百八十里。東西距八百七十里。南北距二千一百里。

東至札賚特界。西至札魯特界。南至盛京邊牆界。北至索倫界。秦漢遼東郡北境。後漢爲扶餘鮮卑

地。後漢書。夫餘國在元菟北千里，南與高句麗。東與挹婁。西與鮮卑接界。

南北朝、隋、唐、爲契丹靺鞨地。

唐時契丹地在奚之東北。與室韋靺鞨接界。今科爾沁在古契丹靺鞨之間。

遂爲

上京東境及東京北境。金分屬上京、北京、及咸平路。元爲開元路北境。

開元路治黃龍府。詳見郭爾羅斯東南柳條邊。

明初。置

福餘外衛。以元後兀良哈爲都指揮。掌衛事。

其地西自廣寧白雲山黃泥窪起。險鐵嶺至開原。洪武二十一年置衛。以故元東寧王海撒男答奚爲指揮同知。歲再貢馬。永樂元年。以安出及土不申

。爲都指揮。掌衛事。案兀良哈。即烏梁罕。亦作烏浪漢。

洪熙間。蒙古臣阿魯台。爲瓦喇所破

瓦喇。即衛拉。或以烏喇特爲瓦喇之譌者。非也。阿魯台。乃人名。非部名。或以厄魯特爲阿魯台之轉者。亦

非也。其酋奎蒙克塔斯哈喇姓博爾濟吉特。

蒙古源流提要曰。皇上幾餘覽古。以元代奇渥溫得姓所自。必史臣傳譌。詢之定邊左副將軍喀爾喀親王成袞札布。因此書進御。考證本末。始知奇渥溫爲却特之誤。

蒙古傳明西齋偶得云元史稱帝姓奇渥溫。祕史載李敦察爾自爲孛爾只歹氏。此亦如中國姓氏之別。蓋各蒙古之類凡十數皆出自奇渥溫氏。帝自爲孛爾只歹氏以別之。孛爾只歹氏。其先世之名也。蒙古不諱名。其來久矣。今蒙古元裔皆孛爾濟只吉止特歹氏。而姓確特。確北音作平聲。即奇渥亦平聲二字合。溫其餘音。當日譯言之謬耳。穆案李敦察爾、祕史作李端察兒。孛爾只歹。祕史作孛兒只斤。西齋語有誤。錢大昕元史考異。太祖姓奇渥溫氏。按元祕史作孛兒只吉歹氏。明楊子器宮詞注亦云。世祖姓孛兒只斤。只斤即只吉歹。譯音有輕重爾。今譯爲博爾濟吉特。穆案考異所據祕史本即余刻入楊氏連筠蓼叢書之本。而引用亦誤。何也。龔之翰後出塞錄，科爾沁喀喇沁兩蒙古。皆以王爲姓。其先乃山東膠州人。至今尙通往來。譜系亦略可考。穆案此無徵之言。不足據也。元太祖

弟哈布圖哈薩爾十四世孫也。

哈薩爾、元史太祖紀作哈撒兒。表作擲只哈兒。食貨志作擲只哈撒兒。札八兒火者。傳作哈札兒。今譯改作哈札爾又作楚齊格爾。元祕史作阿兒孩合撒兒。又作拙赤合撒兒。亦單稱曰合撒

兒。蒙古源流作特穆津哈薩爾。案蒙古源流、滿都古勒汗卒。其小福晉滿都海徹辰。科爾沁之烏訥博羅特王欲娶之。滿都海徹辰欲待汗之姪巴圖蒙克長而嫁之。以問桑該烏爾魯克之妻。札哈阿海。札哈阿海云。適哈薩爾之子，則離却屬衆。敗福晉名。若守汗之子。則據有國家。可以表揚福晉名譽云云。然則科爾沁之爲哈薩爾裔。確有徵也。走避嫩江。嫩江一作妹江。又名諾尼江。古名鮑水。亦曰那河。明人謂之腦溫江。又曰忽刺溫江。方式濟龍沙紀略。蒙古謂腦溫爲碧。諾尼意同。今呼嫩江。明一統志云。源出

西北邊外不可考。蓋江之在明爲薩脫。統志第指其與松阿里合流處。故不知其源。今按江源出宜呼爾山。山在黑龍江之南與安嶺下。江流自北而南經查克達奇山之東。額勒克爾山之西。循墨爾根城北門復稍轉西。下抵卜魁城西門。凡一千四百餘里。與松阿里江合。

依兀良哈。因同族有阿嚕科爾沁。故號嫩科爾沁以自別。

天命九年。奧巴表稱嫩江水濱科爾沁台吉等。楊賓柳邊紀略。科爾沁一作好兒趁。與察哈爾虎敦兔同祖。住牧東北

邊外。去建州最近。高宗純皇帝入科爾沁境詩曰。塞牧雖稱遠。姻盟尙最親。銅徽形管著。縣澤礪山申。設候駭喧啗。清塵奉待巡。敦誠堪愛處。未忍視如賓。穆案科爾沁諸部以明史考之。蓋阿魯台之裔。史稱本雅失里爲瓦刺所襲。與阿魯台徙居臚胸河。及聞成祖自將五十萬衆出塞。本雅失里懼。欲與阿魯台俱西。阿魯台不從。君臣始各爲部。本雅失里西奔。阿魯台東奔。其後當仁宗登極之初。阿魯台數敗於瓦刺。部曲離散。乃率其屬東走兀良哈。駐牧邊塞。正與科爾沁爲衛拉所破走避嫩江。情事時代相符。又案據蒙古源流、

蒙古自順帝出奔。七傳。至永樂十三年乙未。德勒伯克汗歿。曠十餘年無君。洎宣德元年。科爾沁烏濟錦諾廷之子阿岱台吉。乃占據蒙古餘衆。即汗位。先是洪熙元年。則有哈爾古楚克之遺腹子阿寨。及其母鴻拜濟。及阿薩特之子阿噶克台。往依之。阿噶克台本名烏格德勒庫。以巴圖拉丞相之負匡拾遺。取負匡之義。名曰阿魯克台。阿岱汗既得此三人。即汗位。遂加兵濟勒滿汗。征四衛拉特。俘額色庫汗之子巴克穆。所謂脫歡太師者也。其情事與明史及科爾沁總傳正相反。獨城荒忽。亦未敢質爲誰是。要是洪熙宣德間。科爾沁有與衛拉特構兵事。則諸書所記。隱隱相符也。

所部六旗。分左右翼。(右翼中旗)本韃韃地。遼爲黃龍府北境。金屬上京路。元廢

。札薩克和碩土謝圖親王游牧。

土謝圖今譯改圖什業圖。

奎蒙克塔斯哈喇曾孫。翁果岱。翁果岱子奧巴。世爲察哈

爾諾顏。天命十一年。以奧巴先諸蒙古來降。妻以莊親王舒爾哈齊女孫。授和碩額駙。封土謝圖汗。

子巴達禮。崇德元年。敍功。封札薩克和碩土謝圖親王。去汗號。詔世襲罔替。

巴達禮長子巴雅斯呼朗。順治二年。尙固倫崇康公主。

掌右翼五旗事。

佐領二十二。額存穀萬二千四百八石四斗。順治七年。定外藩蒙古。每十五丁。給地廣一里縱二十里。

牧地當哈古勒河。阿噶坤都倫河合流之北岸。

阿噶坤都倫河。出札噶特旗西山。東流。哈古勒河出其西北山。二次合東南流來會。經游牧而東豬於沙。一統志。合河、蒙古名和爾。出札噶特左翼之北。東流入境。經左翼西北三百三十里。又東經右翼西一里。又東經右翼前旗。後旗地入因沁察漢池。阿噶坤都倫河。在

左翼西北三百里。自札噶特左翼流入境。經葛刺圖溫都爾山。東流。會額伯爾坤都倫河。入右翼界。西北經奎屯山。東南流。會於合河。穆案合河。即哈古勒河。東豬於沙。即豬於因沁察罕池。今沒其名矣。

東至那哈太山。一作納哈台坡

。八十里接右翼前旗界。旗南。八十里有土母達

南至察罕莽哈。

二百里接左翼中旗界。察漢陀羅海坡。布哈坡。百二十里有漢惠圖坡。

西至塔勒布拉克。七十里接左翼中旗界。旗西三

十里有鮮卑山。
土人名蒙格。

北至巴音和碩。

一作巴煙和邵。二百五十里接烏珠穆沁左翼界。旗北二百里有温山。蒙古名哈祿納。二百五十里有胡凱山。蒙古名伊克呼巴海。旗北百七十里有阿爾達爾河。源出温山。經榆木山。東南流

。入右翼前旗界。會貴勒爾河。入洮兒河。二百三十里有榆河。蒙古名海拉蘇台。源出興安山。經火山。東南流。會貴勒爾河。二百六十里有鶴午河。源出伊克呼巴海山。經磨爾托山。東南流。入左翼前旗界。會榆河。

東南至巴朗濟喇坡

。二百二十里接右翼前旗界。旗東南百六十里有阿達金察罕陀羅海坡。二百十里有烏拉達罕坡。旗東南四十里有鹽池。蒙古名博羅呼吉爾六十里有德爾赫赫貴池。

西南至格倫哈古沁城。

二百十里接左翼中旗界。旗西南八

十里有烏爾圖岡。二百里有巴雅爾察罕岡。二百十里有孤峯。蒙古名郭圖和碩。

東北至木勒推山。

一作磨爾托山。二百六十里接右翼前旗界。旗東北八十里有大罕古山。蒙古名布古特。百四十里有榆木山。蒙古名海喇蘇台。百七十

有綿爾海山。

西北至博羅霍吉爾山。

三百里接左翼中旗界。旗西北五十里有達喜圖察罕陀羅海坡。九十里

札薩克駐巴音和碩之南

曰塔克禪。在喜峯口東北千二百里。

(左翼中旗)

本契丹地。遼置信州彰聖軍。領武昌武定二縣。

二縣俱在今奉天府鐵嶺縣東北。屬東

京。金省武定入武昌。以州屬上京。元廢。

信州故城。在旗東南三百八十里。全遼志。自開原東北至信州三百十里。今有城。周一里。門八。土人猶呼為信州城。一統志。按遼史地里志。信州自是

古越喜地。在今開原縣南。全遼志云開原東北。非是。

札薩克和碩達爾漢親王游牧。奧巴叔父莽古斯。以女歸太宗文皇帝。是為孝端文

皇后。追封莽古斯和碩福親王。妻封福妃。孝端文皇后崩。莽古斯子宰桑。宰桑之長子烏克善。請以

女弟為繼室。是為孝莊文皇后。追封宰桑和碩忠親王。妻封賢妃。烏克善封卓哩克圖親王。烏克善之

仲弟察罕。子綽爾濟。復以女歸世祖章皇帝。是爲孝惠章皇后。順治十八年。封綽爾濟多羅貝勒。

館臣謹案科爾沁以列朝外戚。荷國恩獨厚。列內札薩克二十四部首。有大征伐。必以兵從。如親征噶爾丹。及剿策妄阿喇布坦、羅卜藏丹津、噶爾丹策凌、達瓦齊諸役。札薩克等效力戎行。莫不懋著勳勞。土謝圖親王、達爾漢親王、卓哩克圖親王、札薩克圖郡王等四爵。俸幣視他部獨增。非惟禮崇姻戚。抑以其功冠焉。魏源曰。科爾沁從龍佐命。世爲祜附。與國休戚。故世祖當草創初。冲齡踐阼。中外帖然。緊蒙古外戚扈戴之力。會典理藩院王會清吏司制。外藩之祿。有俸銀。有俸幣。其等七。惟科爾沁親王三。郡王一。各視其等而優焉。注。外藩親王俸銀二千兩。俸緞二十五匹。郡王俸銀一千二百兩。俸緞十五匹。科爾沁三親王。各俸銀二千五百兩。俸緞四十匹。郡王俸銀一千五百兩。俸緞二十四匹。又外藩之供給。各辦以僕馬之等。而區其廩餼芻秣。惟科爾沁親王三。貝勒一。各視其等而優焉。注。親王護衛官二十三人。隨侍七人。從役十人。廩給每日銀六兩三錢五分。米三斗三升。坐馬十五匹。從馬四十匹。艸料每日銀三兩七錢四釐一絲三忽。貝勒護衛官十一人。隨侍九人。從役十人。廩給每日銀三兩四錢。米二斗二升。坐馬八匹。從馬三十匹。艸料每日銀二兩五錢五分九釐一毫八絲六忽。科爾沁三親王。廩給每日銀七兩三錢五分。米三斗三升。多羅貝勒一人。廩給每日銀六兩三錢。米二斗二升。從馬皆四十五匹。三親王坐馬從馬。艸料每日銀四兩四分八毫二絲。貝勒每日銀三兩五錢六分九釐三毫九絲一忽。又凡外藩之至者有錫賚。歸則給以資。惟科爾沁親王三、貝勒一。往來皆給焉。注。年班來京。王以下例賞衣帽撤袋腰刀鞍轡緞匹茶布等物。皆計直折銀。親王給銀四百三十兩。科爾沁三親王。加給銀七十二兩。郡王給銀三百十七兩。科爾沁一郡王。加給銀七十三兩。年班王以下禮畢回游牧。各給以路費。親王給銀十二兩八錢。隨從四十人。按程限每日給銀三錢。米三斗三升。貝勒給銀五兩。隨從三十人。每日給銀一錢八分。米二斗二升。科爾沁三親王。一貝勒。來京。給銀十八兩五錢。同日給銀二十五兩五錢九分。隨從各視親王貝勒例。來回皆按程限給銀米。烏克善季弟滿珠習禮尙郡主。授和碩額駙。天聰二年。征察哈爾。以功賜號達爾漢巴圖魯。

崇德元年。封札薩克多羅巴圖魯郡王。順治九年。敘討騰機思功。晉達爾漢號。各部蒙古有功。加達爾漢號者。增加俸銀二十兩。

傳續四匹。達爾漢十六年。晉和碩達爾漢巴圖魯親王。康熙四年。子和塔嗣。去巴圖魯號。世襲罔替。道

光

元年。滿珠習禮之八世孫布彥溫都爾瑚。因事革去札薩克。以烏克善之八世孫噶勒桑棟羅布襲補。今降襲固山貝子。佐領四十六。額存毅萬八千四百六十五石。道光二十年理藩院則例載。旗下公主子孫台吉、姻親台吉、共二千人。定爲二十班每班一百人。一年一班輪流來京。案旗下公主子孫和塔長子班第。尙固倫端敏公主。班第長子羅卜藏袞布。尙和碩公主。羅卜藏袞布第三子色布騰巴爾珠爾、尙固倫和敬公主。又烏克善第三子畢勒塔噶爾。尙固倫雅穆公主。滿珠習禮從子奇塔特。尙固倫端靖公主。聖祖仁皇帝賜班第祭文曰。卽隨之典義重親賢。享祀之文。恩崇勳舊。任隆屏翰。生前已荷寵光。禮具牲牢。身後宜加哀誄。爾科爾沁和碩達爾漢親王額駙班第。世膺王爵。榮隴天家。行已樸誠。不愆軌度。居心忠順。克殫勤勞。實宣力以有年。表諸藩而奉職。方將錫以蕃祉。長享遐齡。詎意嬰此沈疴。遽歸冥漠。良深悵悼。用考彝章。特遣專官。往頒諭祭。嗚呼。恩深卹賚。情無閒於初終。光賁絲綸。禮不殊於存歿。鑿其來格。尙克歆承。又賜固倫雅穆長公主墳志曰。固倫雅穆長公主。太宗文皇帝之女。世祖章皇帝之姊。朕之姑也。生於天聰三年正月初八日午時。薨於康熙十七年閏三月十八日未時。春秋五十。卜以某年某月某日。窆於某山。嗚呼。朕續鴻緒。念係皇祖之女。皇考同氣之親。方期駢葉繁祉。永享大年。何意遽爾薨逝。朕懷傷悼。曷其有極。爲卜兆域。併設垣宇。窆窆之文。式從古制。祭享之儀。悉循典章。勒之貞珉。用誌生薨之年月。惟靈其永享於是焉。高宗純皇帝御賜色布騰班珠爾詩曰。世篤姻盟擬管秦。宮中教養喜成人。詩書大義能明要。媼納叢祥遂降嬪。此日眞堪呼半子。當年欲笑擬和親。同來侍宴承權處。爲憶前弦轉鼻辛。第二句注、色布騰班珠爾九歲時。卽令隨諸皇子讀書。末句注、固倫和敬公主。乃孝賢皇后所生。故云。御賜碑文曰。朕惟旌門展力。必資參闈之才。册府銘庸。尤重折衝之略。溯承恩於魯館。久著勤勞。傷毒瘁於豎阪。宜優寵卹。名垂勒鼎。禮具鑄珉。爾科爾沁和碩毅親王固倫額駙色布騰巴爾珠爾。秉性篤誠。程材動練。榮分穰宰。重帝室之舊姻。慶衍封茅。備天家之高爵。擢從藩服。侍在禁廷。維教養之能承。遂勳名之克奮。往以蕩平準部。使之襲贊戎行。籌帳連山。方製劄而接戰。星弧震野。值乘勝以窮追。汝則勇以濟忠。少能制衆。效宣威於月窟。助運策於珠鈴。是用嘉乃膚功。被之懸賞。贊西陲之底績。爰倍諸將以圖形。逢朔塞之歸誠。俾率遠人而入覲。惓惓是切。駭歷方深。速偶蹈天愆尤。暫錮顯秩。實隱施天鼓勵。更策成勞。邇當芻櫛之行師。命赴軍營而佐畫。馭叢采入。陞摧雪外之調。鼠穴窮搜。直搗雲中。

之隘。正捷音之疊奏。乃夙疾之俄股。於是復厥崇封。昭茲渥眷。特遣尙醫而往診。並令嗣子以偕行。竟告奄徂。彌深軫悼。錫精鑲於內府。典備飾終。迎遺襪於郊坰。儀崇遺奠。旣因時以將祀。仍表行以易名。言象生平。諡之曰毅。於戲。掃機槍之兵氣。方看銅柱先標。問林杜之歸期。應帳鐵衣遽逝。輝增紫閣。褒鄂之遺像猶存。凱行紅旆。方召之殊勳不泯。豔碑屹樹。陵道丕光。度克永終。式昭來許。又賜色布騰巴爾珠爾祭文曰。分虎符而贊畫。夙資歷試之才。圖麟閣以褒忠。更憶折衝之略。躬既徵夫盡瘁。典奚新於酬庸。宜沛絲綸。用蠶主瓊。爾科爾沁和碩親王固倫額駙色布騰巴爾珠爾。世延勳戚。資秉篤誠。當貳室之迎祥。早干城之表望。誼均齒胃。先承教養之恩。勤著趨朝。勿懈靖共之義。會邊陲之奮武。辭禁闈以過征。願效前驅。屢覘偉伐。惟札哈沁之竣事。勝兵將分道以合圍。乃庫圖癸之移屯。窮寇復負隅而據險。師行五夜。乘曉霧之漫山。勇倡百夫。任飛鉛之貫脇。有進無退。嘉哉忠愍不渝。以少勝多。赫矣軍威彌振。爰懲策勳之賞。俾遂績像之榮。因兇豎之稽誅。式詰戎而致討。應勳旅而塵清絕徼。頻聞奪險攻碣。鼓先聲而雷動退荒。立見犁庭掃穴。方謂壯猶克贊。膚功奏且夕之間。何期宿疾重罹。疾疾入膏肓之際。錫藩封而澤渥。敕醫使以星馳。尙冀就痊。遽傷長逝。於戲。廿年勞績。蠶叢留未竟之心。萬里歸魂。馬革遂平生之志。聽鼓鼙而增感。功名尙震氏羌。勒鐘鼎以非慚。毛髮空存褒鄂。昭茲肝鬲。慰爾英靈。脩撰黃軒之詞也。又賜和敬固倫公主初次祭文曰。恩隆天性。緬椒庭巽筴之占。誼篤慈親。軫梓舍慈暉之感。摧瓊枝而歎逝。垂練帳以含淒。爰責誅詞。載頒奠醑。爾和敬固倫公主。柔嘉維則。淑慎其儀。髫歲承歡。已無違於姆教。笄齡毓德。洵克協乎風詩。相攸眷篤於舊藩。于歸慶偕乎嘉耦。悵宣甥於甥館。結構虛借老之期。冀垂蔭夫彌枝。衍緒懋承家之慶。簾降欲周四紀。告寧每念其芳徽。恩勤已越六旬。示疾彌憐其弱質。方請含飴以永算。何圖遘疾而告終。感桐葉之早凋。猶當六月。傷蕙畦之遽謝。未待九秋。藟唱遙傳。隔遙軒於駐蹕。蘭香空設。飭瓊組於初筵。旣遺胃以抒哀。仍循儀而備典。於戲。紀型燈管。庶堪延譽於肅雍。溯愛彤闈。長此茹酸於婉淑。靈其祗格。歆此蕊芬。大祭祭文曰。宮庭鞠養。降嬪同在室之情。禮典哀榮。感逝抱經年之感。絮姐用陳於再薦。誅言攸備於重申。爾和敬固倫公主。瑤肥承輝。璿源毓質。巽宮長女。先設盼以愛鍾。天室慈親。早結構而慶叶。惟額駙銘勳麟閣。傷盡瘁於遐陬。爾公主歛彩裝殯式垂型於中壺。策遺孤以樹立。冀其踵武之賢。苞果葉以繁昌。遂厥含飴之樂。佇長膺乎弗祿。何遽逝夫沈疴。溯下嫁於冊載而遙。空歎儀型久著。勞願復於六旬以外。難期齒算加增。厄此閏年。悵遺音於珩珮。悲哉秋氣。先零葉於瓊枝。遠郵報於山莊。奄忽丹輪之杳。展哀儀於胄季。凄清畫室之陳。候候浹辰。愴榮加奠。於戲。告寧無日。益深過隙之悲。備飾有

文。實切臨鑑之悼。惟鑿不昧。庶克歆承。

掌左翼五旗事。牧地。

乾隆四十九年。理藩院奏准所有遼爾漢親王地方。游牧商民。住址近開原縣。即交開原縣管理。

當吉林赫爾蘇邊門外。昌

圖廳界。跨東西二遼河。

遼河在游牧東南四百五十里。自永吉州西北流入境。經額爾金山西北。流入左翼後旗界。又西南流。會黃河入邊。西遼河。即黃河也。在游牧西南六十里。自札嚙特左翼流入境。經喀爾岡。東南流。會

遼河。水逆提綱。大遼河即黃河。古稱饒樂水。蓋真水、託紇巨水、吐護真水。皆即此河。今蒙古稱曰西喇木倫。猶漢言黃河也。源出

克什克騰部界內山左麓。至阿喇科爾沁之南二百里。合白狼河。勢益大。又東北至札嚙特南界、奈曼北界。始折而東南流。分爲二派。

數十里復合。又東南經喀爾喀二旗北。又東經科爾沁左翼境。又東南有赫爾蘇河自東北來會。又東南流入盛京開原縣西境之柳邊。赫爾

蘇河源出永吉州西南柳邊內。二源西北流而合。俗曰母當阿赫爾蘇河。亦曰遼河。西北流。有枯魯河自南來。東北流注之。又北經赫爾

蘇驛東。又北百餘里。有雅哈河。亦南源合而西北流百里來會。又西北流出赫爾蘇之柳邊。即科爾沁境。經額爾金山入左翼後旗界

。轉西南流三百里。將至柳邊。西會黃河。穆柔齊氏以古託紇巨水、吐護真水、並爲黃河之別名誤。辨見喀喇沁右翼牧地老河下。

東

至鄂拉達干。

百三十里接郭爾羅斯界。

南至小陀果勒濟山。

二百里接左翼後旗界。

西至唐海。

五十里接奈曼旗界。旗西五十里有阿坦圖。

北至博羅霍吉爾山

。三百里接烏珠穆沁左翼界。旗北百三十里有五峯山。蒙古名塔本陀羅海。二百五十里有曼頭山。蒙古名案諾圖。二百八十里有葛勒爾溫都爾山。三百五十里有大房山。蒙古名伊克查克朵爾。旗北百六十里有東天河。蒙古名準騰格。源出吉爾巴爾山。東南

流會吉伯圖泉。入佟噶喇克察罕池。二百十里有額伯爾坤都倫河。自札嚙特左翼流入境。經索諾圖山。東流會阿嚙坤都倫河。入右翼西北。經奎屯山。東南流入於哈古勒河。

東南至吉林邊牆。

五百五十里。旗東南四百七十里。有阿拉馬

圖城。周六里三百步有奇。門四。一統志、按此城近開原邊外。疑即舊韓州城也。穆索舊盛京通志、韓州本遼離國。舊治柳河縣。高麗置鄭頤府。領鄭頤二州。渤海因之。遼太宗置三河榆河二州。聖宗併二州置韓州東平軍。領柳河一縣。金因之。領臨津柳河二縣。元廢。明

於此置站。在開原縣城之西北。又案、金史遼以河爲名。有杞河、柳河。今考其河。即縣界之內遼河外遼河也。遼河至此分爲二。故有

柁河柳河之稱。南流近承德界。合爲一。今無柁河柳河名。惟稱巨流河。旗東流百三十里有牛頭山。蒙古名伊克圖虎爾吉。百五十里有

巴漢圖虎爾吉山。三百里有白鹿山。三百五十里有大射山。蒙名伊克哈爾巴爾。三百六十里有巴漢哈爾巴爾山。二百五十里有烏拉達罕岡。四百七十里有噶卡呼爾岡。旗東南四百七十里有卓素河。源出邊內。流入境。西北流入左翼後旗。會尹吉哈台河入邊河。

西南至烏達圖。

三百里接左翼前旗界。旗西南五里有吉里岡。

東地至漲古太池。

三百里接左翼界。旗東北百七十里有黑山。蒙古名阿巴哈喇。百八十里有大石山。蒙古名葛倫齊老。百八十五里有太保山。蒙古名

圖斯哈爾圖。三百里有殺羊山。蒙古名五戶爾吉台。旗東北百二十里有他拉泉。百八十里有利喇喇克察罕池。

西北至差都勒山。

舊作巴漢查克朵爾山。華言小房山也。四百里接烏珠穆沁左翼界。旗西北百七十五里有巴彥朔龍山。二

百里有水精山。蒙古名吉爾巴爾。二百三十里有蛇山。蒙古名漢惠朔龍。旗西北百八十里中有天河。蒙古名都母達圖騰格里。源出吉爾巴爾山。南流。四十餘里。有阿噲坤都倫河。詳見牧地下。百七十里有吉伯圖泉。源出巴彥朔龍山。東流會東天河。入修喇喇克察罕池。扎薩克駐西遼河之北伊克唐噶里克坡。在喜峯口東北千六十五里。朔漢方略。康熙二十九年。蘇爾達奏言。臣於六月三十日。至科爾沁。見達爾漢親王班第。距其舊居六日程。駐圖思噶爾圖山。

(右翼前旗) 本靺鞨地。金置肇州。隸會寧府。海陵改屬濟州。承安三年。升爲鎮。元爲遼王乃顏分

地。肇州故城。在白都訥城南。舊名出河店。宋政和四年。女真取遼江州。遼人使其將葉嗣先等。發兵屯出河店。金太祖禦之。至混同江。遼兵方壞凌道。太祖擊走之。遂率衆進登岸。大破遼兵於此。天會八年。以太祖肇基王迹於此。建爲州。統始興縣。承安

三年。升爲節鎮。軍名武興。元廢。明初有站。一統志。按元時亦有肇州。元志附於廣寧府路下。注云。按哈喇八都魯傳。至元十三年。太祖謂哈喇八都魯曰。乃顏故地曰阿八喇忽者。產魚。吾今立城。而以兀速惹哈納思、乞里吉思。三部人居之。名其城曰肇州。汝往爲宣慰使。既至。安市里安民。得魚九尾。皆千斤。來獻。又成宗紀。元貞元年。立肇州屯田萬戶府。以遼陽行省左丞阿散領其事。而大一統志。與經世大典。皆不載此州。不知其所屬所領之詳。今以廣寧爲乃顏分地。故附注於廣寧之下。元之肇州。明初已不知所。在。今考博都歡傳。太祖分封東諸侯。以二十爲率。乃顏得其九五。則其地甚大。不但廣寧而已。又玉昔帖木兒傳云。乃顏之遺孽哈丹禿魯千復叛。玉昔帖木兒過黑龍江。擣其巢穴。可知黑龍江左右。亦乃顏故地。疑元之肇州卽仍金舊。且近混同黑龍二江故產大魚耳。

今白都訥誠東南。阿爾楚哈河西岸。古城周二十里。內子城周四里。南距吉林烏喇城三百四十里。東去故會寧城六百里。與金史道里相合。疑即肇州遺址也。

札薩克多羅札薩克圖郡王游牧。奧巴弟布

達齊。天命十一年。隨兄來朝。賜號札薩克圖杜稜。崇德元年。封札薩克多羅札薩克圖郡王。世襲罔

替。佐領十六。額存殺三千八百四石五斗。

牧地當索岳爾濟山之南。

山延袤數百里。其西麓臨大漠。東北與齊齊哈爾城相近。注互見車臣汗部左翼前旗下。朔漠方略。康熙三十四年。黑龍江將軍薩卜素奏言。臣遵諭

編歷陰山前後。惟索岳爾濟山高。頗得形勢。擬派官兵。自盛京烏喇墨爾根三處。掘井以待。嗣後若索岳爾濟山之東北。枯倫貝爾等處有警。臣即先進兵。烏喇盛京兵繼之。若索岳爾濟山之西。烏爾惠等處有警。則盛京兵先進。烏喇及臣等兵繼之。總期會於索岳爾濟山以進。上從之。尋遣兵部員外郎常岱。理藩院員外郎特古忒、鐵圖。往同丈量。鐵圖自盛京丈至索岳爾濟山。共計一千四百五里。置急程二十五站。緩程三十九站。常岱自墨爾根丈至索岳爾濟山。共計一千七百七十七里。置急程二十站。緩程三十一站。特古忒自吉林烏喇丈至索岳爾濟山。共計一千六百五十里。置急程二十九站。緩程四十八站。

陀喇河、歸喇里河、於是合流注嫩江。

陀喇書作陀羅亦曰洮兒河。遼史上京有他魯河。金史長春縣有撻魯古河。聖宗四年。改

撻魯河為長春河。皆即此陀喇河也。源出西興安山東麓。即索岳爾濟山矣。有數源。一曰奴查圖河。東南流百餘里。稍南曰郭忒河。東流。又折東南數十里。又南曰木什夏河。兩源合東南流數十里。折向東北百里。與前兩河會。東流。查木哈圖河、自北來會。又東南流數十里。厄模克什忒河。自厄白勒哈巴拉嶺。南合二水來會。白格圖河。自西南亦來會。以上皆源也。又東南。苦乞太河自北來會。又東南特門河。土名落陀河。自西南來會。又東。多灰羅台河。自北來會。又東。索灰圖河、自北來。吉拉呼台河。自西南來會。又東南始號陀喇河。又東南數十里。有敖龍撒里河。自北合三水來會。又東。折東南流數十里。有得白忒河。西自茶浦乞拉庫哈達之北。畢朗烏山之南。東北流來會。又東南曲折行山間三百里。出山就沙地。歸喇里河。自西北合諸水。東流來會。歸喇里河亦作貴勒爾河。上源曰烏蘭古衣河。其源有二。一出索岳爾濟山之東南百里東麓兩源。東北流而合。曰烏蘭灰河。一出其東烏喀那山之北麓。二瀾西流而合。曰烏喀那河。北流。稍東數十里。扣河河自西來會。又東北分為二瀾。曰烏蘭古衣河。東北流百里。復合。有榆河。蒙古名海拉蘇台。自